

Das solches wahr sey / ist gut zu beweisen:
 Dann bekandt genug ist / daß von den melancholi-
 cis hypochondriacis vnd andern / offtermals ein
 siemliche Quantität humoris acidi evomiret wird/
 welcher so scharff / daß auch kein Essig dagegen
 zuvergleichen / davon ihnen die Zähn vnbräuch-
 lich werden / gleich als wann sie viel sauer vnd un-
 reiffes Obst gessen hätten.

Was Rath nun? Sublata causa tollitur mor-
 bus. Könnte man solche materiam peccantem durch
 purgiren hinweg nehmen / das were gut / darnach
 sie aber nicht sehr laustert : per vomitus kan noch
 etlicher massen / solche evacuirt vnd vermindert
 werden. Weil aber nicht ein jeder das vomiren
 vertragen kan / so ist es auch nicht rathsam auf ei-
 nem Übel ein grösders zu machen. Soll man dann
 solchen tartarum mit contrariis tödten / vnd zu nicht
 machen? Welches zwar etlicher massen geschehen
 kan ; Als wann man vegetabilia oder animalia ge-
 branchet / welcher Kraft in einem sale volatili be-
 steht : Als da seyn alle geschlechte der Kressen/
 Senf-saamen / Merrettich / Löffelkraut / auch Spi-
 ritus tartari, Cornu cervi, Urinæ, vnd dergleichen
 mehr / welche wegen ihrer penetrirenden Kraft alle
 meatus durchgehen / vnd etlicher massen den tarta-
 rum in microcosmo angreissen / vnd zugleich als
 contraria ihre Feinde / die acida suchen zu tödten /
 vnd in solchem Fechten entstehet von beyden wider-
 wärtigen Naturen ein grosse Entzündung / darvon
 der ganze Leib erwärmet / vnd zum Schwitzen ge-
 bracht